

Bosna i Hercegovina
Federacija Bosne i Hercegovine
TUZLANSKI KANTON

OPĆINSKI SUD U LUKAVCU
Broj: 126-0-Su-24-000615 - 1
Tuzla, 20. januar 2025. godine

Na osnovu člana 31. stav 1. Zakona o sudovima u Federaciji Bosne i Hercegovine („Službene novine Federacije Bosne i Hercegovine“, broj 38/05, 22/06, 63/10, 7/13 i 52/14), člana 8. Pravilnika o unutrašnjem sudskom poslovanju („Službeni glasnik Bosne i Hercegovine“, broj 66/12, 40/14, 54/17 i 60/17) i člana 126. j. Pravilnika o sistemu za automatsko upravljanje predmetima u sudovima (CMS) („Službeni glasnik Bosne i Hercegovine“, broj 4/16, 37/16, 84/16, 40/17, 34/18, 34/19 i 61/20) predsjednica Općinskog suda u Lukavcu podnosi :

I Z V J E Š T A J

**o provedenoj provjeri tačnosti i ažurnosti unosa podataka u CMS
za period 01.07.2024. – 31.12.2024. godine**

U skladu sa odredbama člana 126. a. do 126. l. Pravilnika o sistemu za automatsko upravljanje predmetima u sudovima (CMS) u Općinskom sudu u Lukavcu je provedena provjera tačnosti i ažurnosti unosa podataka u CMS-u u periodu od 01.07.2024. – 31.12.2024. godine.

Provjera je izvršena pojedinačno za svakog sudiju i to u 5 predmeta sudije po referatima i statusu predmeta automatskim odabirom predmeta kroz CMS izvještaj „Lista predmeta za provjeru kvaliteta podataka“ po unaprijed postavljenim parametrima, a sve u skladu sa Smjernicama za provjeru predmeta krivičnog i prekršajnog referata i Smjernicama za provjeru predmeta parničnog, vanparničnog i izvršnog referata.

Provjera je provedena upoređivanjem fizičkog stanja sudskog spisa sa elektronskim stanjem sudskog spisa, odnosno stanjem podataka

u CMS-u, u smislu provjere njihove tačnosti, potpunosti i blagovremenosti evidentiranih podataka.

Rezultati provjere koji su utvrđeni, kao i uočene nepravilnosti konstatovane su u Obrascu broj 3. - Izvještaj o provedenoj provjeri tačnosti i ažurnosti unosa podataka u CMS.

Uočene nepravilnosti u svim pregledanim predmetima odnosile su se na slijedeće nedostatke:

- U nekim predmetima nije se mogla utvrditi nepravilnost obzirom da se nalaze po žalbi na Kantonalnom sudu;
- U nekim predmetima nisu skenirani prilozi uz prijedlog za izvršenje;
- U tri predmeta nije evidentiran početak i završetak ročišta u CMS-u.
- Jeda predmet nije iskazan završenim danom donošenja rješenja.

Provjerom predmeta kojima je zadužena predsjednica suda nisu utvrđene nepravilnosti.

Predsjednica suda će i dalje, shodno odredbi člana 126. k) Pravilnika o sistemu za automatsko upravljanje predmetima u sudovima, preduzimati mjere za prevenciju nepravilnosti, kao i u prethodnom periodu, cijeneći da će se istim podići nivo kvaliteta podataka koje sudovi imaju obavezu evidentirati u CMS-u, shodno Pravilniku o sistemu za automatsko upravljanje predmetima u sudovima.

